

善本書室藏書志



善本書室藏書志卷二十六

錢塘丁丙松生甫輯

集部五

徐公文集三十卷 依宋鈔本 王晚間舊藏

東海徐鉉

鉉字鼎臣廣陵人楊溥時爲祕書郎直宣徽北院掌文翰李昇時知制誥璟煜時遷翰林學士歸宋爲直學士院給事中散騎常侍故一名騎省集見陳兩家並稱集三十卷陳氏謂前二十卷仕江南所作餘十卷歸朝後作所擬國主李煜墓銘婉微有體集爲其子壻尚書水部員外郎吳淑編天禧元年行尚書都官員外郎胡克順假故參知政事陳彭年所序本錢版表進仍刻洎化四年祕書郎陳彭年序後列徐公行狀李昉撰徐公墓誌銘李至楊徽之祭文李至輓歌詞紹興十九年徐琛撰明州

重刊徐騎省文集後序末有迂齋金侃識云騎省集近世鮮有刻者此本虞山錢氏於崇禎間從史館印摹南宋本字頗大予縮小鈔之集中今上御名者高宗構也太祖諱匡胤太祖父仁祖諱殷弘冀宗諱禎英宗諱曙故字皆缺一筆太宗諱炅神宗諱頊欽宗諱桓如敬鏡竟貞徵曷嘗完諸字亦缺一筆今悉仍之右乃吳興陶氏鈔本格版心刊爲素好齋藏書六字有十萬卷樓晚間居士兩印

徐騎省文集三十卷

經鑑堂鈔本

東海徐鉉

右爲湖州經鑑堂倪氏綠格精鈔本書法整齊殊可愛玩前錄秘書郎陳彭年序太常丞集賢校理晏殊序知明州軍州事徐琛跋天禧元年三司戶部判官臣胡克順進文集表批答曰敕胡克順省所上表進新印徐鉉文集兩部計六十卷共一十二

冊事具悉徐鉉生於江介早著時名歷事祖宗之朝嘗居文翰之任發揮詒命有溫雅之風備預諮詢見該通之學矧唯素履无謝古人汝克慕前修盡編遺札俾之摹印庶幾流傳覩奏御之爰來諒恪勤之所至覽觀之際嘉歎良深故茲獎諭想宜知悉又附行狀李昉撰墓誌銘楊徽之張洎等祭文挽詞

徐公文集三十卷

知不足齋鈔本

東海徐鉉

右依宋本繕錄行款避諱悉同前帙門有鮑廷博校字

河東柳仲塗先生文集十五卷附行狀一卷

舊鈔本

呂氏講習堂藏書

宋柳開撰開字仲塗大名入關寶六年進士歷知常潤州以殿

中侍御史換崇議使又歷入郿咸平四年終於京師門人張景爲行狀集序歐公嘗推本朝古文自仲塗始此鈔本脫景序有禦兒呂氏講習堂經籍圖書及呂甫中印无咎小印猶是前明

舊帙又有好學爲福齋藏古澤州袁卧雪廬收藏兩印則後來所鈐者

河東先生集十六卷

精鈔本 怡府藏書

門人張景編

宋知滄州柳開伸塗撰方五季之餘文體茭弱開獨能以韓柳爲宗故其初名肩愈字紹元旣而易之自謂能開聖道之塗廬陵嘗推本朝古文斷自開始而尹洙穆修繼之特此論文章氣運之先後耳然亦難乎其爲創矣默書諸篇沈雄堅潔實有本源陳氏目以艱澀過矣至論揚雄劇秦美新之論謂比新於秦同其惡也劇者惡之甚也美者謂新之惡少異於秦也夫秦滅六國豈與莽竊科同而尙分其優劣哉駁班史論雄言不當稱經謂明聖人之道卽稱聖人之言似也至謂聖人之道存乎揚其可乎昌黎集序謂韓之文得聖人大道似也至謂遠過於孟

子其可乎此本藍格精鈔有丹筆校字鈴安樂堂藏書記明善堂珍藏書畫印譜記

咸平集三十卷

舊鈔本

京兆田錫著

錫字表聖蜀國人題京兆耆耨其先也太平興國三年進士歷守相臺桐廬淮陽海陵四郡知制誥終於諫議大夫宋藝文志載奏議二卷文獻通考載咸平集五十卷此合奏議與詩文僅編爲三十卷已非舊帙矣前有范仲淹田司徒墓誌銘司馬光田司徒神道碑陰蘇軾田表聖奏議序後附太平五年十月十日嗣子朝請大夫尚書吏部郎中兼侍御史知雜事上柱國京兆縣開國男食邑三百戶賜紫金魚袋錫謨述先君贈工部郎中墓碣

忠愍公詩集三卷

明宏治刊本

開府儀同三司太子太傅中書令上柱國萊國公寇準

前後載萊國寇忠愍公旌忠之碑參知政事孫朴奉敕撰新開
寇公詩集序宣和五年濟南王次翁撰忠愍公詩序金紫光祿
大夫行尙書戶部侍郎知河陽軍州事上柱國范雍述贈諡誥
丁理行再開萊公詩集後序隆興改元七月長樂辛敷書此本
爲宏治庚申四月平川王承裕所刊并引云忠愍寇公之相眞
宗也虜犯澶淵勸上親征不動聲色而措天下於泰山之安竟
以讒譖謫居遐荒齋志以沒人皆寃之尋詔歸葬洛師又詔復
官爵又詔節惠易名又詔史臣述功行以垂後世卒於公無所
損而公之名愈彰矣承裕年甫三十餘讀公之詩知其有劉長
卿元微之之風格於是錄而藏之

忠愍公詩三卷

精鈔校本

開府儀同三司太子太傅中書令上柱國公寇準著

初準知巴東縣時自編詩百餘篇爲巴東集後知河陽軍州事
范雍請於公家盡錄昔所存紀及謫官後趙公臨所記共二百
四十首類而第分爲上中下三卷惟久磨滅因序以成編隆興
改元長樂辛敬再序云太原范伯純錄公篇什分爲三卷春陵
得之尤其後也蓋公晚年遺謫官至春陵邗人思慕不忘建樓
畫像以崇朝夕然詩篇之傳家百不一焉宣和間王公次翁來
茲景仰前修取舊集刊版以傳近時楊守惇亦卽舊版重加刊
治未幾字之漫滅復且過半敬適茲承乏恐復以失真復校正
一新焉蓋范王楊辛已四刊矣此本寫極工細復丹筆校誤閱
之心肅有靜質堂圖書

乖崖先生文集十二卷附錄一卷

澹生堂鈔本

宋張詠撰詠字復之濮州人太平興國中進士累遷至樞密直
學士御史中丞禮部尙書追謚忠定自號乖崖子嘗寫真自贊

曰乖則違眾崖不利物乖崖之名聊以表德公之牧餘杭也時
值歲歉人多以私鹽犯禁公皆異斷之不過二十罰於是警邏
莫敢巡檢入敢白將何爲禁公怡然行酒謂之曰錢埶十萬人
飢者將八九苟不以私鹽自活或一旦聚數千輩盡其死命擾
其不飢者爾等將奈何俟其秋成則約之以法是歲杭人無
一夫爲盜卽此可感其德矣前有宣教郎前知鄆州崇陽縣主
管勸農營田公事天台郭森卿題辭曰故禮部尚書忠定張公
以直道事太宗眞宗雖不登相位而眷倚特隆天下誦其事業
而鮮有知其文者今觀其文磊磊落落實大以肆其光明碩大
之學尊主庇民之道得於天韻之自然殆非尋常文字之學所
能到也崇陽舊尹陳侯樸欲刊公遺文未果爲使成之舊本得
之通城楊君津家凡十卷今爲十二卷會粹訂正屬之尉曹孫
君惟寅而使學生存中參焉外有韓魏公所作神道碑內翰王

公送公宰崇陽序李翼巖撰祠堂記項平庵北峰亭記此其文
皆知公之深者爰並錄之卷端有山陰祁氏藏書之章澹生堂
藏書記曠翁子識子孫世珍諸印

乖崖先生文集十二卷附錄一卷

野山房鈔本

此書趙希弁讀書附志載集十卷陳振孫書錄解題作十二卷
此與陳氏書錄卷數合前有天台郭森卿序附錄韓琦神道碑
銘及序廟記等篇

王黃州小畜集三十卷

經鉅堂依宋鈔本

右宋王禹偁撰禹偁字元之鉅野人太平興國八年登進士第
端拱初擢左司諫知制誥判大理寺辨徐鉉罪貶商州團練副
使復召還知制誥入爲翰林學士以孝章皇后梓宮遷至主第
稱當用舊典左遷知滁州真宗復召修太宗實錄坐語涉輕詆
出守黃州徙蘄州嘗自次其文箴易得乾之小畜集之名以此

也凡賦二卷詩十一卷文十七卷與皇朝陳二志卷數相符前載
紹興丁卯之明年歷陽沈虞卿序稱內翰王公以文章道義被
遇太宗咸謂咫尺黃閣矣偶左遷來齊安邦人沐浴恩惠爲繪
像立祠東城居士親拜其下歷歲滋久經涉兵盜無一存者平
生撰著極富有手編文集三十卷其文簡易醇實得之者珍祕
不傳故人多未見虞卿假守於此因以所藏小畜集點勘鏤版
與四方學者共之末有契勘公文稱小畜集計一十六萬三千
八百四十八字四百五十二版合用紙墨工價數目並校正監
雕七銜名此爲經鉅堂校錄者

王黃州小畜外集殘本七卷

影寫宋本

右卷第七至卷十三止前後尚有缺葉按陳振孫書錄解題元
之文自爲之序曰閔子生所爲文類而第之得三十卷將名其
集以易筮之遇乾之小畜象曰君子以懿文德未能行其施但

可懿文而已外集者其曾孫汾哀輯遺文得三百四十首又有承明集十卷奏議集三卷注曰未見外集亦不著卷數此七至十三斷非承明之十卷也有太原叔子藏書記歛鮑氏知不足齋藏兩朱印

楊大年先生武彝新集二十卷

舊鈔本

王鴻緒藏書

翰林學士朝散大夫行左司諫知制誥同修國史判史館上柱國號略縣開國子食邑六百戶賜紫金魚袋楊億自序曰咸平戊戌知括蒼郡再更年籥復朝京師入西臺掌誥命景德丙午仲冬被召入翰林因取十年來詩筆條次爲二十編目曰武夷新集蓋山林之士不忘雜桑之情雕篆之文竊懷敝帚之愛命題之意良在是也此本自序前又有官浦疆者失其名一片文極工俟攷前題刊關李繡文素鍾秀李葆貞守一武林龔五穀華茂同較三行鈐有王鴻緒印洵舊物也按億建州人年十一

召試詩賦授祕書正字涪化中賜進士第直集賢院眞宗朝知制誥入爲翰林學士祥符中母病不待報歸省自以疾丐解官疾愈復爲學士卒贈禮部尙書諡曰文鎮國節度使李昷乞加謚忠奏雖不行詔付史館據本傳著有括蒼武夷頽陰韓城退居汝陽蓬山冠麓等集及內外制筆刀共一百九十四卷館閣書目猶有一百四十六卷今傳者惟此新集二十卷而已其別集十二卷乃歸陽程時作葉氏聚竹堂書目尙有之今亦亡矣鴻緒字季友康熙癸丑第二人及第官至工部尙書有橫雲山人詩稿

林和靖先生詩集四卷

鮑鑑校正統本

宋林逋撰宋史本傳逋字君復錢塘人少孤力學弗趨榮利初放游江湖間久之歸杭州結廬孤山二十年不入城市眞宗詔賜粟帛嘗自爲墓於廬臨終詩有茂陵他日永遺孺猶喜曾無

封禪書之句既卒上聞仁宗賜謚和靖先生詩多奇句既就稿
隨棄之好事者往往竊記之今所傳三百餘篇皇祐五年太常
博士梅堯臣因諸孫大言之請爲序其集次列先生遺像綴以
宋安撫臨安府尹袁韶贊次宋史本傳次葉森墓堂記次林集
詩話十五條第一卷五言古詩四首五言律詩八十二首第二
卷七言律詩七十首第三卷七言律詩六十一首第四卷五言
絕句五首七言絕句七十八首詩餘三首鮑以文卷端題云宋
刻詩不分體曾於顧抱冲家見之惜未借校今以正統八年陳
贊刊本校按劉後村詩話述一生苦吟自摘出五言十三聯今
惟五聯見集中如隱非唐甲子病有魯春秋水天雲黑白霜野
樹青紅風回時帶溜烟遠忽藏村及郭索鉤輞之聯皆不在焉
七言十七聯集逸其三使非有摘句圖旁證則皆成逸詩矣

宋林和靖先生詩集四卷附錄一卷

明正德刊本
鮑氏藏書

茗溪倪氏敘西

前有明正德丁丑閏十二月望太子太保刑部尚書總制川陝
湖河四省軍務致仕七十六翁錢塘兩峰洪鐘序云先生詩集
歲久殘缺無復可觀近者地官主政西蜀韓君廷延當塗喻君
子真相繼督課來杭仰先哲於既往慨嘉言之弗彰屬沈君履
德輯訂并續名賢題跋及近時謁墓之辭萃爲一卷復得先生
遺像冠於卷端屬余贊且序焉仍列梅堯臣舊序附錄宋史傳
歸田錄青箱雜記西湖書院志及姚森夏時正墓記李祁巢居
閣記杭淮放鶴亭酌辭餘自宋范仲淹以次十五賢元陳孚以
次十八賢明張羽以次六十一賢詩篇有苕西經鉏堂倪氏收
藏眞本歛西長塘鮑氏知不足齋藏書兩印按西湖書院志今
已不存中載元至正間江浙儒學提舉余謙修處士墓得張南
軒手書梅軒二字遂扁亭上又郡人陳子安以處士不娶無嗣
以鶴爲子既有梅不可無鶴乃持一鶴爲孤山之榮構軒以名

之錄此以存院志之一

重編西湖林和靖先生詩集四卷

影明正統八年刊本

姚江陳贊編次錢塘王圉校正鈔梓

此影寫正統時餘姚陳贊編本前序已脫後附東坡先生書林逋詩後姑蘇老農黃庭堅秦觀紹興壬子龜詵沈說諸賢題跋及葉景修記和靖祠堂本末

和靖先生詩集二卷

影宋本

右每集十八行每行二十字卷首題和靖先生詩集序次行低

七格題太常博士宛陵梅堯臣撰凡天下朝廷俱提行集之首行題和靖先生詩集上次行低二格題古詩三行低四格題和運使陳學士遊靈隱寺寓懷其下卷律詩低二格詩題低四格版心題和靖先生詩上下有刻工姓名愚按即仁寶七修類稿云世重宋版詩文以其字不差謬今刻不特差謬且多遺落予

因林和靖詩而歎之舊名止曰漫稿上下兩卷今分爲四卷舊題如送范寺丞仲淹今改爲送范仲淹寺丞者最多今拾遺和運使陳學士遊靈隱寺古詩四章宋刻首篇者也今僅律絕而遂以此爲拾遺可乎即說與此皆合姑附證之

河南穆公集三卷遺事一卷

精鈔本 十萬卷樓藏書

穆修伯長

此本移劉清之跋於前亳州法相禪院鐘記疑疑崇構構字注御名知從宋紹興雖木出也其間某字一作某極不苟間有月黃校誤卷端雖無印識然得自蕭山王氏知其爲十萬卷樓故物

穆參軍集三卷附遺事一卷

舊鈔本

河南穆修伯長著范陽祖無擇擇之編

朱彝尊識云穆參軍集世間行本無祖無擇序余於康熙戊子